

往生要集記 七





往生要集卷下義記第七

釋良忠述

大文第七念佛利益初標列二別釋大分意者此有
 六義一善趣惡對二於善趣中文證事證對三於文
 證中諸佛弥陀對四於諸佛中現生當來對五於現
 生中冥加見佛對六於冥加中自德他護對生起次
 第合文應知弥陀別益者自上四門惣通諸佛今局
 弥陀故云別益問今念佛者弥陀念佛何舉諸佛答
 舉惣攝別其義可知問惣別有次六七尚通故以別
 益可安第七答五重勸入惣別成次就此別益引例
 亦示惡趣之益故後明之第一滅罪生善即有標釋

本文下本初

結釋引十三文初於一時等者臚縛世為一須臾須臾世為一日夜亦分日夜為十二時一時中有二須臾餘今須臾者只是暫時非定時限分一時為少分少分立須臾故若見若不見等者問見與不見滅罪何同答如觀念門記二想佛行者於諸相中舉於最上白毫最下行步二相知中諸相如上助念方法者第三之中即有二十其中第六飛行自在也三造好形像等者問作佛像非念佛何為念佛益答取歸佛邊也或造像人必可念佛或文終說見毫故從終屬念佛也通身色者神通諸色欤但本經文云通身

光色字不正又舉身光色及畫佛跡者次上木像勸畫像也四邪見等者問下輩深信止除八十億劫婢女不信何除八十億劫答厭佛本心未絕故屬不信見佛勝相生貴重心既尊無漏妙德故滅有漏業如彼趨多忌禮魔眾下崇念佛時促婢女對佛時久故滅罪有增減異也老女因緣者經云佛在世時舍衛城中須達長者有一婢女名曰毗羅甚勤家業長者請佛及僧供養老婢慳貪嫌佛法僧而作是言我家長者愚癡迷惑受沙門術即發惡願何時當得不聞佛名不聞僧名如是惡聲遍舍衛城末利夫人

聞已念言須達長者如好蓮華人所樂見云何復有
毒邪護之喚須達婦而語之言汝家老婢惡口誹謗
何不擯出時須達婢跪白夫人央掘摩羅弊惡之人
佛尚能伏何況老婢末利聞之歡喜語言我明請佛
汝遣老婢持滿餅金助王供養末利見來而作此邪
見人佛若化度我亦獲利佛於尔時從正門入婢即
覆面以扇自障佛在其令扇如鏡無所障景回頭東
視東方有佛南西北方皆悉如是舉頭仰看上方有
佛但頭伏地地化為佛以手覆面手十指頭皆化為
佛老婢閉目眼即開如見虛空化佛滿十方界老婢

邪見仍未生信猶見佛故除却八十万億劫中生死
之罪得見佛已疾走歸家白大家言我於今日遇大
惡對見於佛瞿曇在王宮門作諸幻術身如金山目
喻青蓮放勝光作此語已入木籠中以彼覆籠畏頭
而佛還祇齒末利白佛願化邪女莫還精舍佛告末
利此婢罪重於佛無緣於羅睺羅有因緣佛既還已
遣羅睺羅詣須達家度彼老婢羅睺羅變作轉輪聖
王時千二百五十比丘化為千子列須達家以彼婢
為玉女寶老婢歡喜敬禮聖王王宣十喜婢聞十善
心即調伏時羅睺羅及諸比丘還復本形老婢見已

即作是言佛法清淨不捨衆生如我弊惡猶化度即受五戒成須陀洹將詣佛所為佛作禮懺悔前罪求出家得阿羅漢三明六通具八解脫於虛空中作十八變上七有寶珠者問與淚焦同耶答有云同體異名欵又普賢經云譬如龍宮有兩珠各作用有旱珠海水減有滿珠海水滿念佛亦如是上燒諸煩惱者問可以如此滅煩惱文立滅惑段又凡夫稱念何忽斷惑答若約九機今滅罪功應終斷惑故云漸次今門之意滅惑亦是當來益故又三垢滅云燒煩惱有何妨乎八聞佛經等者聞經雖非念佛利益亦取歸佛

邊也又經讚念佛故可念佛也九迦羅分者行願品疏上云言迦羅者此云豎折人身一毛以為百分上十一假使一切皆為佛等者斯有二節一從假使至一偈事即於念佛三昧一偈一切成佛或億劫講說或至泥洹誅或無數劫歎不究其功德二從一切至不可喻以布施功比聞三昧福也天中天者即是佛也十二餓鬼閻魔王者衆王別舉

第二冥得護持即有標釋釋別引三文一護受三歸者者問非念佛證答取歸佛邊歸佛即念佛故也二劫盡等者問壞劫先壞有情如何答即云正使非是

實事且以劫火顯三昧益又三昧成就實可成此德
除其宿命者問念佛力何不除宿障答泉云今文只
出經論文許也今云大論云念佛三昧能除種々煩
惱及先世罪餘三昧不尔此法力雖滅諸障附傍小
乘且云不除或除不除可在機熟未熟世多難熟故
云不除云唯除業報者如會上文問三昧持者名為
菩薩菩薩應是十信三賢故不可云必應受者答菩
薩名何局入位何況入位尚有必應受者義乎三波
旬者斯云殺者亦云極惡即是障導釋迦成道魔王
別名也問往生教門舉冥護益有何詮要答生存值

難業行難熟臨終惡死正念難得故願生者得宜護
如護念緣引接取文

第三現身見佛即有標釋之引五文一一行三昧等
者被經雙說事理今用事遍卜空閑處為遮亂意不
堪觀相專稱佛名隨有緣佛得益是速諸教所讚多
在弥陀故以西方而為一准引和尚釋而略稱名易
故相續即生之句斯句不應現身見佛故也一行三
昧義如禮讚記二我說是菩薩持是三昧者明能持
人多使行者欣慕如云三世諸佛依念佛定成覺說
其功德者說三昧德但上舉機為說其功德多非取

持機多，何況求得者得，者誕得對上持機，況之可知。最後大恐懼者死時見黑闇，無有光明，無有伴黨，亦無救護，無所恃怙，故名大恐。持是三昧，臨終無苦，自生大喜也。俱舍論云：梵行妙成，立聖道已，善修壽盡時，歡喜猶如捨眾病，比准之思之清淨眼者，是心眼也。

第四當來勝利，即有標釋，釋分為四。初引十七，明得菩提，二但聞下以聞名等，况多觀等，三已上四門下，結惣中多少，四問觀佛下，明心如佛，利問當來勝利，有離惡道得菩提，益念佛雖尊未斷見思，何離惡

趣，答破見離四惡趣，除思離三界生，是聖道門，小乘教談今約佛力一念專作，永離惡道，故八十華嚴第二智眼天王申自開悟，問得菩提，益可准之。耶答遠近，兩果何得一概得菩提，中因圓果滿，斷惑證理，然今益者流轉，凡夫無有覺悟，期今以佛力增菩提心，生有佛土，速證佛果，如彼法華聞少解淺，與菩提記世々所生識宿命者，問何不生淨土，世々識宿命，答結緣分機，或有別機，不樂淨土，故具餘德，歎四種法者，問大集經無此文，答取意文也。有云正法念經者，淨土論中所引之文也。或本無有云之言，又或本云

淨土論云觀佛經亦有斯文意問正法念經小乘部
經何云住佛前答言佛前者可通穢土或小乘經密
明淨土或如云以小合大不生怯弱心智慧等者如
次相似深心至誠已上等者問上引五文唯說離惡
偏明往生答非云一文並說二益對菩提益雙結離
惡往生觀佛身心如佛心者下合觀經委釋其義隨
順佛教緣念餘事猶合佛心况觀佛身淨土論歸命
無身光與佛教相應又佛具悲智修觀之人亦同具
故如佛心念佛三昧惣攝一切法者名號衆德具足
之釋妙符斯文有經言等者俱舍論二十七引契經

言也以小涅槃例顯大益依敬等者文有敬憶一華
一稱淺近三事一一淺事依佛勝德證涅槃為成差
別云置此耳如來數者因中說果如梵網云衆生
受佛戒即入諸佛位位同大覺已真是諸佛子况
多中或以聞名而况觀相或以一華况盡形修結多
少中已上四門等者當門加上三門故云四門以當
門經有多少意而准上門明心如佛觀中有二一明
觀相二明勝利初問合引二經以徵義相答引釋經
弁觀相問引經者經文幽密釋義往往鸞師和尚偏
約事門天台淨影專就理門靈芝釋意隨機通冠今

師更合大集彼經並說事理心佛相從是事心佛如
空是理事過不異觀經答中初引智光二指餘釋三
舉自意智光疏者斯寫鸞注不引鸞者不見注舉自
意引經約從生佛緣生觀生佛空於中一明諸佛我
心作故無從心外所來去唯心無我且約能觀云我
心作二於三下明行者身心作諸佛亦我心作共無
自性三何以下佛我心由四心即下明生佛歸心住
是空性日截分等者出彼經第五身因緣者五蘊和
合覺觀者是舊譯言新云尋伺問覺觀心是定心之
障何依斯心而見諸佛答覺觀通於定散若五識及

散意意識俱是定心障若定心俱尋至初禪伺至中
間即是支林功德二禪已上全無此心問二法別如
何答俱舍云尋伺心鹿細比欲多等者問感師云念
大見大答今第五文彼第八文今約佛多少彼約佛
体量其義應知心即我身者色心不二義耳即是虛
空者諸法一如故我因等者我覺心体心外無佛雖
見知佛心佛一体故無見知我觀法界諸相無自性
故全無空固一切諸佛因緣生故即是法性即是摩
空空亦泯亡心不見心等者問上云諸佛我心若尔
見佛即見我心如何答上文標存今文遮亡有云雖

云諸佛即是我心猶有能見心所見心今正攝境歸心是故云不知等法性即是虛空者一體異名隨義得名亦復是空者遮空能空此文等者觀經光釋是幽隱故引顯了文以彰其正意光師釋亦無違者問大集文光師所釋全同如何答心能作佛是佛同大集始光無理解故非全同今斯問答心如佛心觀義為要木論二十九云復次菩薩常善修念佛三昧因緣故所生常值諸佛如般舟三昧中說菩薩入是三昧即見阿彌陀佛便問其佛何業因緣故得即生彼國即答言善男子以常修念佛三昧憶念不廢故得

生我國至亦如比丘入不淨觀但身見體膨脹爛壞乃至但見骨人無有作者亦無來去以憶想故見菩薩摩訶薩入念佛三昧悉見諸佛亦復如是以攝心故心清淨故譬如人莊嚴其身照淨水鏡無不悉見斯水鏡中無形相以明淨故見其身像諸法從本來常自清淨菩薩以善修淨心隨意悉見諸佛問其所疑佛答所問聞佛新說心大歡喜從三昧起作是念言佛從何所來我身亦不去即時便知諸佛無所從來我亦無所去復作是念三界所有皆心所作何以故隨心所念悉皆得見以心見佛以心作佛心即

是佛心，即我身心不自知自見。若取心相，悉皆無智。心亦虛誑，皆從無明出。因是心所，即入諸法實相。所謂常空，得如是三昧智慧。其二行力，故隨意所願，不離諸佛。如金翅鳥王，二翅具足，故虛空中自在。所至菩薩，得是三昧智慧力，故今身隨意供養諸佛。命終亦復值遇諸佛。以是故，諸菩薩常不離諸佛。此同大集故，引照了。二明勝利中，初標觀益，二如華嚴下引事證。心造諸如來者，妙樂云：造謂即具故。心觀佛，普見諸佛，即見心所具佛，非見心外佛也。又造謂作如心作佛，引事證。中華嚴傳曰：者香象，作也。製華嚴。

感應傳。彼云：僧佉失其名者，是餘傳也。又地嚴應現記常云：京師人僧俊，姓王氏，出家已後，營僧事，犯用日多，不守戒律，三業自恣，行未曾修善，因痛微疾，患而死。其左右，脇少煖，經歷三日，始蘇，啼哭，投身六地。具說幽途事，曰：將死時，有二人，冥官馳使至大城門前，忽有一僧云：我是地嚴菩薩，汝在京城時，摸我形像，一軀不陳，禮供而投捨焉。後我欲報摸寫，息汝是奉嚴師人，乃教一行偈，曰：如今地嚴菩薩授與斯文，而造之，日誦此偈，能開地獄門，能開淨土道。比京師者，行願品記二云：京師者，即西京也。公本傳云：京者。

大也師者衆也謂天子所居必以大衆之辭言之故云京師上華嚴經第十二者彼文云若人欲了知三世一切佛應觀知法界性一切唯心造上今所引者八十經第九也

第五彌陀別益即有標釋釋中分二初標別明意註別明數觀經下引別益文其心決定者念彌陀人雖聞餘益信樂未急故聞別益其心決定滅罪中像想觀云等者問何故不引地觀樓觀等之滅罪答為證念佛引正報觀也但想已下二文生善坐禪者取靜之邊未必定欲平等心者菩提心也問通事理乎答

多分是事已上滅罪生善者問既是兩事經亦別說何以一段標結之乎答文雖別說兩事相關由滅罪則有生善生善力用能滅罪業猶如明闇無有俱生故為一段上惣文中就文別想冥護中問定生慈量壽世界是當來勝利又何不引小經護念文耶又念佛護念何舉讀誦又修菩薩行未必念佛天人致敬非是護念如何答諸佛護念為往生不退故護念文續後益句攝取常來亦含往生又兩譯一意引一義足又誦經者須歸所詮彼經所詮即是念佛故唐土師二十五擁護約念佛者又万行中念佛為先修善

要集卷之二
十一
薩行何無念佛天人致敬必有護念如韋陀天護南山也唐土諸師者光明大師迦才師等也亦不違者彼經現文多約諸行說十行故而大師等屬念佛益是亦不違經意故云不違見佛中若於等者問夜分夢中何便見佛答初心行者於晝時顯色形遮眼識慮馳故雖定中閉目見佛開目不見觀成就後五識都滅開閉了今定中尚尔况思惟人若夜夢問無色境妨感師闇室則此謂也已上見佛者問何故不引第八觀第十三觀等見佛之文答其文雖多不可盡引真身一文何有不足往生文中重障鈍根等者鈍

障之人平生見佛雖難臨終必定見佛往生此文我等最所仰也蓮華谷云我等平生見佛還可招失起慢等故臨終見佛以之為望一日一夜者雖無經文以十日文探釋之也置下諸行門者覺經說齋戒故可屬諸行問若尔何引為念佛證答當說戒從經本意引證念佛又晝夜常念應是正業問鼓音聲經可置諸行門中答有云尔也說陀羅尼故今云既云禮敬彼佛不可置諸行門其佛本願力者唐土玄通律師於闍王前誦此文時感佛來迎具如祖師三經略釋問指何願乎答有云不局一願有云當第十一第

四十七。今云聞名屬十八不退。屬廿一有何妨也。成菩提中不得菩薩無生法忍等者。問此願不誓當來勝利。又非成菩提說現得忍故。前安居院云問聞彌陀名号得法忍。惣持之人何國誰人。哉。答有緣之人得之不可疑。一經其耳。衆病悉除。亦何國誰人。哉。五濁惡世無機無益盲者。常闇何疑。日光乎。上斯問答。意似云。現益答可通現當故。昭公云此願有二意。一聞彼佛名於此界得不退。二聞彼佛名即生彼土得不退。比又此彼不退必得菩提也。他方國土等者。懽興云加力不退願也。比如前問答可釋之也。餘如上。

等者延年等益也

第六引例勸信即有標釋例者前蹤也。引彼類今也。念佛利益更無疑慮。舉惣別益勸化雖多。足引例增。信千金無飽万財無厭。以知勸志其恩最深。釋中先引諸例。二問答決疑。初中先引餘益。定今往生。次又震旦下正引往生益。未及三稱者。但稱佛名未唱法僧墮大地獄者。問既稱三寶何故不滅墮獄之業。答但敬父教無歸佛心。口稱功轉順次。苦無歸佛心。順後墮獄。調達發心。唱南無佛。猶不免獄况不信。子順後。苦乎。問調達發心。唱南無佛。猶墮無間。今何不直。

墮谷彼此造業輕重難知又諸子歸心雖不顯說爭
是全無此子雖並敬父歸佛歸佛淺故偏說敬父如
世邪命雖有歸佛亦護施者強思利養偏名邪命由
父告云汝等邪見為何所怙容有歸佛若偏無者何
生天上如法華以念佛為人天業也平生長時雖有
邪謗臨終迴轉即生天上一稱之力不盡邪業故天
壽盡亦墮地獄如下輩品滅罪往生尚有餘障憶父
長者等者般舟讚云一入泥梨受長苦始憶人中善
知識比婆娑七云亦如一地獄道中或有能自識宿
命者如經說地獄衆生作如是念諸沙門婆羅門恒

作是說貪欲是將來過患可畏之處是以當斷貪欲
我等以不能斷貪欲因緣故今受極劇苦痛極惱問
曰彼作如是念時為初生時為中時為後時耶答曰初生時
非中後時比般舟讚意當中後時又涅槃三十二說
闡提續善云佛言善男子是人二時還生善根初入
地獄出地獄時比疏云利人初入鈍者後出應有中
根之人在中生善在獄受苦無暇能生是故不說已
行滿記云利人初入鈍者後出者一切人終至地獄
皆能生三念利人初入即知其罪從其處來今受
地獄報生此念時即發心生善根也鈍人從地獄出

生於餘道亦生三念知其罪入地獄今從地獄出復入餘道等即能發心生於善根也上又云一切衆生至地獄時皆生三念一知謗大乘二知被王殺三知今受此苦即便發心上六佛者七佛之中除釋迦佛言七佛者一毗婆尸二尸棄三毗舍浮四拘留孫五拘那含六迦葉七釋迦也号南無光照者南無二字此佛别号第七卷等者十卷之本在第九卷八卷之本在第七卷若能念佛者若能觀佛者者可配觀稱生東方寶威德上王佛國者問與上寶威德為一佛答有云同名異体上寶威德如釋迦佛穢土佛故或同佛設淨穢

兩土欵無量明佛者非阿彌陀見十住論空王佛等者台家有以空王佛對大通佛而諍前後如今文說於阿閼等之因位云多不善業當墮惡道是可九位然彼十六沙弥悉證初住真位故空王前捨離邪見等者問上說稱佛之時捨邪歸正如何答上依師教纔唯稱佛未自深信今生深信故云捨邪得首楞嚴三昧者首楞嚴此云事究竟是理名也木論三十云菩薩住於十地入首楞嚴三昧上成三菩提者問為法報應三菩提答難知何妨是阿耨菩提迦葉經者寶積經中迦葉會也迦葉者是摩訶迦葉白疊者玉

云毛布也上巳文句一云又經云其家有疊最下品者
直百千兩金以釘打入地七尺疊不穿破如來不異
上巳觀此等者真像形隣故云不異又像非覺非知即
同真佛無知故云不異覺知者是六知根見聞知名
知臭嘗觸名覺像無根識故云非也以像非覺非知
而觀諸法空寂法無自相故云無相亦是相外故云
離相辭喻經者問此有一卷二卷三卷十卷不同今
引何經答十卷文唐法遠造賢聖集也道眼等者問
觀求生處天眼通力何云道眼答圭峯釋目連以道
眼觀母生處之文云觀求生處是天眼通由證道而

得故云道眼也上巳薜荔者經音義云此譯云祖父或
言餓鬼上巳妙云有云最勝王經云薜荔者此云鬼上巳
文選平九歌云被薜荔兮帶女羅註云山鬼髣髴若
人見山之珂被薜荔之衣以菟絲為帶上巳隨衣得名
欵云今云是俗人言異內典意比丘為說法等者問
比丘速往為母說法何待王死趣獄之時亦何依念
佛不滅罪向泥梨耶答衆生得道因緣難思待機熟
時欵或小教談不同大乘也得須陀洹者問獄人悉
證乎答尔也文云泥梨中人皆得脫故妻名女者是
非別名云名譽女欵有本云利女天宮息意等者如

三教旨歸云作業善時天宮即現作業不善地獄此
顯取聚落者萬民集故云聚下者住故云落僧伽藍
者僧是衆伽藍翻園十方聖衆集此處故斷事者焰
王斷事聲鐘等者地獄苦器互觸出聲其聲似鐘主
事等者主宰也即焰王等也問上云向地獄門知至
地獄若尔云何閻王聞之答雖所別而徹聞之也或
化閻王住地獄故送往天上者問先邊國王向泥梨
門稱佛之時自他同益今何獨益答彼聞王唱各自
稱佛故泥梨冷羅漢說法聞之證果問今稱佛時餘
罪人何各不稱佛答衆生得道因緣難思未必一概

况彼聖者善巧有在問上來十文說觀稱益或有遲
速或有小益况無往益何足勸進答既云引例何直
往益又但出益未論遲小何況有證菩提彌增信心
東晉者晉代有二西晉東晉西晉者四帝合五十三
年東晉九帝合八十年而慧遠等東晉代也問慧遠
以前無往生人答約興盛初也有云都率往生弥天
為初極樂往生以慧遠為始靈芝觀經淨土教法起
自右晉廬山白蓮社上慧持曇順疏云此時法師五柳謝
靈此代賢士也慶氏者賀茂保憲之弟保胤也累蒙
陰陽博士而成管三品弟子入儒家彼弟子中作文

第一後中書王亦云六條宮亦云具平親王此御侍
讀無雙道心者也其德見于江家續傳有云成後中
書王御師之時改其本姓謂賀者慶也茂者滋也故
改賀茂成慶滋也出家之後受止觀於僧加賀習玄義
於今師又御堂殿受戒御師寂照上人傳法師範也
朝市者左思蜀都賦曰為世朝市註曰張儀曰爭名
者於朝爭利者於市上文集云大隱者在朝市小隱
者在林藪上問五天竺境有往生人何不舉之答妙
云今置而不論欵二決疑中不發菩提心慙慙慙愧
者問經全不說下品人發菩提心及慙愧等答感師

意存發菩提心又慙愧心通諸善心理必可有有云
下々品人必有懺悔云云今云未必然也慙愧通諸善
心懺悔有無不定

第七惡趣利益即有標釋釋中先舉畜生次餘趣下
顯鬼獄益初先舉佛證次引二文指其事也若復有
人等者今段雖明惡趣利益鈞鑠為說且置人中等
故先說人益有云本自勸人為要舉惡趣益為况人
中故引並說人畜益之經文也摩竭者經音義云斯
云鯨魚謂魚之王也上造天地經云大者長万里中
者七八千里少者或二千里或一千里上山海經

云鯨魚長千里，穴居海底，入穴則水溢而為潮，出穴則水入而潮退，故入有節，潮水有期也。上大論云：此比丘宿生為魚，身長七百由旬，宿生聞法，雖墮魚中，宿種福在，時有商主將諸商人入海採寶，忽見流忽船向白山，兼見三日并現，即白海師。今曰禍非三日，一是魚目，一是天日，白山者是魚齒也，必入魚腹船中，諸人各稱所事，中有優婆塞稱南無佛，魚聞佛名，即自念言：此佛弟子，我昔亦佛弟子，即忍死合口，水流便退，魚因捨命，風吹屍上岸，神生值佛，身子及五百皆不度得果，佛令安行海畔，見骨山高七千由

旬山皆所不照，回來白佛，佛言是汝身骨。上經過去論舉今佛世事故，知別也。彼閻浮者，今在海中，指常在處也。於其佛所者，轉魚得入之時也。如朝露虫者在朝露虫，雖墮六畜等者，弘一云牛馬羊犬豕雞。云問龍子何攝，答有云馬攝，欵有云墮六畜者，說龍願意，縱未來雖墮六畜中，自濟渡等，非龍墮六畜中也。今云不尔牛等六種，彼人畜養此名，冠餘皆名畜生，今身雖墮龍畜而戒德明，故望自濟願，不墮畜故。餘趣信佛語等者，莊嚴經等本願之中，舉五道機，問無色界及淨居可得生淨土，耶答唐土人師玄一師。

云問三界五道皆修彼因答有二說一云一切皆是若遇勝緣能修其因又資昔因得生淨土二除五淨居天及無色餘皆得生雖有二說初說為勝如密嚴經云無煩無熱善現善見阿迦尼吒空處識處無所有所非想非非想處住於彼已滅除貪欲從此而生清淨國土故然唯識論云五淨居天不發菩提心者但據始發若重發者且發心故約彼重發小品般若等云發心也問無色界無說力如何得生答有前修因亦承佛力故同生彼問無想天無心如何得生答亦有時得故被佛力此有何失上龍興師亦舉二說

也。鹿心妙果者彼章諸佛以道眼按置涅槃之岸等文也。諸餘利益者諸行勝劣信毀因緣等也。念佛功能者問答料簡之中第四段等也。

大文第八念佛證據即有標釋上明利益即生伏疑謂修何善業可有如此等益何強勸念佛乎為遮此難立此章矣釋有三重問答由上章起第一問答由第一答起第二重由第二答起第三重三番大意者祖師云念佛證據門即念佛諸行相對判往生得失文有三問答義有六相對謂始問答中即有二相對一難行易行對二少分多分對也始難行易行對者

諸行難行念佛易行即文云不簡行住坐卧等是也
次少分多分對者諸行少分說念佛多分說也即文
云諸聖教中多以念佛為往生業是也第二問答中
亦有三相對一因明直辨對二自說不自說對三攝
取不攝取對也一因明直辨對者諸行因明行念佛
直辨行也即文云其餘行法因明彼法種々功能其
中自說往生之事不如直弁往生之要多云念佛是
也二自說不自說對者諸行非弥陀自說行念佛即
弥陀自說行即文云佛自既言當念我乎是也三攝
取不攝取對者諸行佛光不攝取行念佛佛光攝取

行也即文云不云佛光明攝取餘行人是也第三問
答中唯一相對謂隨機理盡對諸行如來隨機經說
念佛四依理盡論說即文引馬鳴論是也上唯勸念
佛一門者問可通有相無相念佛答有相為正傍通
無相占察經文即有其義問有諸業門何云念佛一
門答是從本意問觀稱之中何者為正答雖傍通觀
勸稱為正見答初文或云今勸念佛等或云得其便
宜不如念佛二文俱稱以答推問唯勸念佛亦稱為
正問答可順故也故祖師料簡云唯勸詞正指上觀
察門中行住坐卧等文也但至十文中出事理觀者

傍通故也。修之不難者，今取稱名要中要故。此文在群疑論第五木櫛經等者，具如觀念門記問何以此文不入十文。答為易行證進引之故，不可重引。又不引淨土故，略出十文者，問群疑論中引華嚴等，今何不引答人師意樂未必一同，證文足故。從滿數故，一占察經等者，問十文引證有其生起，答未必然。但第一惣通諸佛故，後九文別屬彌陀故，從惣之別靈芝云。占察經云欲生他方現在淨土者，應當隨彼世界佛名，至當知一切善根中，其業最勝。餘諸佛名聞持尚，况我彌陀有本誓乎。比今意同之如上觀察者。

問與上稱念機為一機，何答一人所行或二機也。定散異故，別中六文正依經八九傍依第十正依論正依經中引三經，依說時前後欵一向專念者，如選擇集別發一願者六八願中不立餘行生因，本願唯念佛門別發生因一種，本願如大師云弘誓多門四十八偏標念佛最為親比，感師釋全同。今文言有云對於十九惣發諸行本願，以十八願云別發願，今云此義不然。若余應云十九二十惣發諸行之中於念佛門別發一願，只云四十八願中全不局十九二十兩願而別者，對四十七惣以念佛為生因，別願如選擇云四十

八願皆雖本願殊以念佛願為往生規也故今師亦因光明大師若存諸行本願義者往生諸行門之中尤可引十九二十願文既不引之更不及諱本願非本願之義具如宗要抄等無他方便者不堪餘行如選擇云下品下生是五逆重罪之人也而能除滅逆罪所不能餘行唯有念佛之力能堪滅於重罪故為極惡最下之人而說極善最上之法比問經無此文答是取意文最叶經旨有說云後一條御宇出離無疑往生指掌肝要明文可擇進之由勅諸宗之處異所同心而各進斯文誠有所以哉同經云光明遍照

等者問引文前後何違經說答只為證據不綺前後問念佛衆生者為通觀機答今師意然也或局稱名如上已述阿彌陀經等者如法事讚記般舟經云等者如觀念門記但今師意言念我者通觀念欵大論亦同往生論以觀念等者問有禮拜等五何但云觀念答有云依論正意也今云彼論依經云有隨自隨他兩意故願偈大意雖舉觀察寄讚歎門標稱名行而云稱彼如來如彼名義何偏以觀為論正意也此中觀經下下品等者問於十文中二三四五六七八九文唯念名号何限觀經下下小經鼓音聲經云念名号

答實可然。但此三文外，諸師異解。又但云念無名号，言故且除之。若依光明大師之意，第五文證唯在觀念往生論文，可通觀稱讚歎故。其餘七文一向稱名，其餘行法因明等者，祖師云因明者且法華或說即身成佛功能，提婆品中云坐寶蓮華成等正覺等，其文或說六根清淨功能，或生十方佛前，或即往兜率天上，明如此種種功能，因自說往生事，即藥王品中說即往安樂世界等，其文也。如修法華餘法准之，直辨者大經觀經弥陀經等中說念佛本自為往生一事也。已問三經所說餘行因明直辨中，何答非二

攝欵或准他經，猶是因明言上今品讀誦之行望法華經藥王品說因明行，故餘業准之。問三經之外諸經所說念佛往生亦是何攝。答非二攝欵或望三經亦是直弁極樂，直因弥陀願故起信論文，即其證也。先師語云上人云，難易等義，曇鸞等師釋之，因明直弁之義，諸師未釋。今師意趣在此言也。私云歷此彼經諸行往生名，為因明隨他諸行，雖所主異，彼法功普故，因便明往生利益。說此彼經中念佛往生名為直弁安養，正因佛本願故。馬鳴等者有六馬鳴如釋論文，復次衆生等者，修行信心分文也。初學是法者

真如三昧問依釋論文今此衆生四心下品既判信位非我等分答可通常沒衆生故香象釋不判信位契經多以念佛等者問今引論文可云論藏多念佛等何云契經答上難諸經所說隨機為通此難引理盡論故引論釋證諸經多念佛為要故云契經又論所依契經百洛又部故從本說名為契經經說雖云隨機万品不可動論如俱舍云素怛覽契因別意趣阿毗達磨依法相說上四依者頌曰漉連受持不誹謗一恒愛樂二讀誦三恒淺義並初依四一五八第二依六七十二四三依八恒十六第四依上論主是

本下本

第八不動地也非盡理者毗沙門堂云此言至極非直也人可釋之言云大文第九徃生諸行分文為二初標章開文次第一下別釋謂求等者捨此土道雖求極樂而樂欲異有起行別今雖專勸念佛何不辨彼也問存既云依念佛一門何明餘行答序述本意今任機欲且誘衆機勿致偏執問今諸行中可攝念佛答有云亦也故引觀經下輩三品諸言此廣何隔念佛難云上來諸門專明念佛今任機欲立別一章故今諸行可限餘行故標雖云諸行次釋即云餘行但下輩文引觀經說

同文故來，非今章意。答有云不尔廣，逗眾機之時，何除念佛，但餘行言當章，並明念佛餘行，對此念佛，且云餘行也。或如所難，云今云標云諸行，何隔念佛，故至正釋，別明惣結，俱舉念佛於念佛，具當分跨，即謂上諸門專勸念佛，是跨節意。此中并明念佛餘行，是當分意。問上來念佛與今諸行為一機，行答可是二人。文云各樂欲，故亦有二者對於正修念佛，有五今即云亦別釋，中四十華嚴等者，有云六十八十二本無說普賢十願，故云四十龍樹所感咒者，妙云樂邦文類，一云按一切業障根本，得生淨土咒。賢聖宋元

嘉年求那跋陀奉制譯，合計五十九字一十五句。若人能誦此咒者，阿彌陀佛常住其頂，日夜擁護，無令惡家而得其便，現世常得安穩，臨命終時任運往生龍樹菩薩願生安養，夢感此咒。比大阿彌陀云等者，問同上諸經可舉之，何答上來諸經之說文少，故但舉其名，以下諸經其說廣，故具引其文。此經以持戒為首者，問此經壽經同本異譯，可云念佛為首，如何答今引諸行之處，故且云持戒也。觀身者無常，觀正念者有云真實心，義在於勝他名利等行，聞法解一義者，問解義分何答，如釋法華一念信解，一心包容。

圓通無尋本經不局聞解隨聞勝法何得生齋月者
妙云年三長齋經云天帝以正月五月九月巡向南
州註記衆生作業比優婆塞戒經云為亡者修福有
三時春二月夏五月秋九月取問正二兩說相違如
何答梵網勝莊疏下云自正月後半至二月前半乃
經文各據一義故不相違比妙云只可云異說云齊
日者四天王經云八日廿三日四天王使者下十四
日廿九日太子下十五日三十日天王下註人善惡
已天地本起經大論具說其因緣又有十齋日六齋
日加一日十八日廿四日二十八日也妙云七俱胝

獨部法說也道暹記云先只有六齋月自唐三藏始
加十齋比今云出地藏本願經弥勒問經者依云依
他師引義玄名也今文在發覺淨心經下闍那崛多
所譯也比若毀其行等者如大論云自法愛染故毀
皆他人法雖持戒行者未免墮地獄比近於覺意者
近悟道心雖未開悟其心漸善故云種種善根因等
有云近明師義覺法緣故云覺意也十者正念觀佛
等者有云前九安心第十起行今云義寂意釋稱名
念自具此十心若依此義實可安心若依寶積經文
悉是起行許隨一往生故寶積經第九十二者依云

發勝志樂會也。此發覺淨心經同本異譯，求佛種智者妙云彌勒問一切智者即空智也。今經種智若道種智即假觀智，一切種智即中觀智，故二經異。此云果位一智或云一切智或云佛種智，何必對分空等別智分具云發推果云求隨成一心等者引今經文。本意在斯觀經云等者此等諸文如導師疏一者慈心不殺等者問上引三福何故重引九品之文。答有云如諸師意今師亦存三福散善九品定善所觀境下云十六觀故有云只廣引一經文亦不出此者言三輩業不出九品因也。十六觀等者此章逗眾機。

故念佛餘行雖並舉之念佛即如正修念佛廣略等釋故今引文不委細耳。支提者塔廟異名。第二惣結諸業即有標釋。二先依淨影次舉私意初淨土因要有四等者往生修因不出四要故為惣結。今就觀經現文以論似是不攝若約道理何有欲滿三種淨業可攝盡故修心往生者問安心起行之中何攝答如此師意存起行欵歸向往生者是釋下輩問此師意許下三品但稱名往生答釋稱名是歸向之分無依過去發心功生舉私意中有三初標惣別二明其相菩薩願行雖是無量大途是六故今結

行惣別細相只是六度梵網經中雖有六義不別列之故云惣也諸行業不出梵網戒品者彼有三聚淨戒其中攝善可收一切定慧又重輕戒具六度行重中戒慳是且戒行亦禁瞋辱是忍辱行輕中不解日三時供養法師三時說法是精進行為坐禪主誠無度用是禪定行諮受法師第一義諦是般若行釋相先舉十三種行次別釋後不染利養釋六相中加七種法斯七不離六度行體故同六相信第一義等者般若即慧可通淺深而今取淺為往生業故云信也菩提心等不離六者六度之行發心上相施戒

二念即檀尸羅受持戒者即歸三寶六度妙行從大乘出故行法華十心行後更修讀誦又觀佛經念佛三昧由讀誦成修妙行者須護佛法父母師長是報恩始故行法人寫孝事之故梵網云孝順父母師僧三寶孝順至道之法孝名為戒亦名制止上橋染自法染著名利行功成歷何感妙果發菩提心隨宗不同六念者如散善記十六想觀等者經雖別說而念佛人應觀依正守護佛法者造佛講經等也不生憍慢者問何以之為往生業答有云止惡修善本故舉之不染利養者問何故以之為往生業答云問六度

中可攝萬行何別開出菩提心已下七法答然但施
等名言之外第十二十三是可助業云云問此十三法
許隨一生答尔也菩提心等雖即六度而別強修則
成別行大集等下別釋利益其過甚故此有二義一
無怖求自有名利二有怖求無有名利設無怖求多
有利養無報謝力如樹菓繁故佛多供法當疾滅樹
菓繁等者史記茫睢傳云詩曰木實繁者折其枝々
折者傷其心上竹籬者世結實必害也任驛者駱也
有本云螺有云以螺為正得道已還復失者問得道
何失答或是凡夫得禪等或是退法等羅漢多受供

養等者問佛具應供無貪求過如何答是為誠多受
也大象出窓者訖栗枳王此云作事王即迦葉佛父十夢隨一俱
舍九云王作此十夢來白世尊佛言此者當來釋迦
如來遺法弟子先兆也王夢見有一大象被閉窓中
更無門戶唯有小窓其象方便促身得出尾猶窓尋
不能出者此表釋迦遺法弟子能捨父母妻子出家
而於其中尚懷名利如尾尋窓上出離最後之怨莫
大名利物者雖捨諸惡猶有斯二故云最後夫離世
間名利之人猶亦難免出世名利此誠染肝行者留
心如弘次四云若為名聞利養即累淨名大士等者

要集記

三

維摩經云雖為白衣奉持沙門清淨律儀比疏三云
初言雖為白衣即垂迹而修沙門引歸本也乃密說
出家密勸在家言密譏者大經云雖復染衣心猶未
染者未染四教大乘法門此則雖是沙門名為白
衣言密勸者何須染服但令染心云沙門行即不思
議淨心之因豈非無言而化成淨土教耶上藥王本
事等者是四聖之前緣也勘云文句十二云妙莊嚴王
本事思此因緣出他經者昔佛未法有四比丘於法
華經極生慳重雖卷舒秘教甘露未沾日夜翹誠晷
刻無忘歎云苟非其人乎地非其地處乎世間紛愀

靜散相乖直尔求閑尚須狀乘况崇道乎於是結契
山林志欣佛慧幽居日積衣糧單罄有待多煩無時
不乏一食客々廢万里之行十旬九飯屈雲霄之志
可得言哉其一人云吾等四窮尚不存身法當安寄
君三人者但以命奉道莫慮朝中我一人者捨此身
力誓給所須於是振錫門閭以求供繼自春至冬周
而復始如僕奉大家甘苦無喜愠三人得展其誠功
圓事弁一世之益當無量生其一人者數涉人間屢
逢聲色坏器未火難可護持偶逢王出車馬騎填旌
旗翕赫生心動念愛彼光榮功德薰修隨念受報人

中天上常得為王福雖不貲亦有限也三人得道會
而議之我免焚籠功由此王其耽果報增長有為從
此死已不復為王方沉火坑良非可拔幸其未苦正
可開化其一人云此王著欲而復邪見若非愛釣無
由可按一人可為端正婦二作聰明兒兒婦之言必
當從順如宜設化果獲改邪婦者妙音菩薩是昔二
子今者藥王藥上二菩薩是昔時王者今華德菩薩
是也上問四聖因緣出他經者何經乎答記云未檢
之輔云藥藏菩薩經上私記證云此經不載經錄諸
藏中無上進止者進入雲山止居在家麻中之蓬者

外云史記五王世家云夫蓬生麻中不扶而自直白
沙在泥中與皆黑者土地教他使令然也上屠邊之
既者依云見付法藏經四弘決一云如昔華氏國有
一白象氣力勇健能滅怨敵若有罪人令象蹈斂後
時象既為火所燒移在異處近一精舍有一比丘誦
法句偈為善生天為惡入淵心便柔和起慈悲意後
付罪人但觀而不害嗅舐而已上時有一臣即白王
言上是故尔耳今可令繫近於屠坊彼觀殺害惡心
當盛上乃象見殺戮惡心猛熾殘害增甚以是當知衆
生之類其性不定畜生尚乃聞法生慈見惡為害况

復人乎。此可見佛藏知是非者利養有無云是非也。大文第十問答料簡分二。初標列二。別釋十事者。欣淨土者。須知身土。已知身土。次知機分。既知機分。次知往益。既知往益。次知常念。既知常念。次知妙行。次知信相。次知資緣。既知道緣。後知入法。此十事。往益無滯矣。問答料簡者。祖師云。此約前諸行。出不審問。答解釋也。故終立此門。又云。前三可通念佛諸行。後七但約念佛一行也。云云。第一極樂。依正衆義相連。有十七番。初七。決彼佛身土。體。次。一決極樂義。次。

二。決修善勝劣。次。一決彼感報無別。次。二決極樂去此里數。後。四。決彼佛化普遍。初二。初。四。引別報化。次。三。標非唯義。天台云。等者。二師俱製觀經。疏云。應身應土。亦有餘文。悉判應身。古舊相傳等者。如安樂集記。十劫等者。問大小劫異。云何。可會。答略記云。依瓔珞。亦有三劫一里。乃至四十里。石以天衣。三朱。三年。一拂。此石名一小劫。智論攝論等云。四十里。石名一大劫。望瓔珞經。即是小劫。取故知大小所望不定也。明相出時者。因順餘方也。二經相違者。同性授記。二經俱說。彌陀一佛。同性名為報身。永無生滅。授記說。

有入滅違無生滅故以報身常住入滅而為相違二
師會者綽師乘常住義會授記經屬隱沒相迦亦乘
生滅義會同性經以為事身問迦才會者會化非報
軟荅不然會者釋義謂釋他受用也所以知者彼論
上云報身淨土者有其二種一者實土二者事用上
乃西方是報土者出大乘同性經經云智通菩薩問
佛世尊何等如來報身佛言如汝見見我者此是如
來報身復有清淨佛剎中取正覺者彼等一切皆是
報身釋曰淨土中成佛判為報者是受用事身非實
報身也已又佛地論指自受用上用亦云實受用難云若尔會字未了荅

九會有三或會相違或會不審綽會相違亦會不審
非二經對綽才二師俱報之一義者何以下問何
者為正荅非指隣次指上天台遠師應義與綽報義
尋云常人云受用事身隨機受用或現報身或現化身此義如
何荅不然違論文故委如上引諸經論中或判為報
或判為化者迦才師意同性經攝論等云報土授記
經等屬化土義如攝論加行感化等者攝論十二云
加行無分別身有二種一在地前一在登地以上若
依此二處加行所得果是化身正體無分別從初地
乃至佛果皆名聖得若依正體無分別所得果報是

應身果報上此釋善矣等者問唯報唯化通報化中
今師依何義耶答一義云不定報化為自義也難云
見此文相上引報應二師之義為定邪正今致何者
為正之問而至答中引迦才師通報化義云此釋善
矣豈非依用通報化義答不然此指不須圖度報之
與化之文而云此釋善矣也次下云勿勞分別故非
必讚於通報化義但至難者今集之意於諍論事不
出定判之自語况今云勿勞分別故不可云許一義
也一義云今師依用唯報義也所以知者報化諍源
依同性授記違文而今引會二經綽才二師之釋但

引報邊不引化邊知存報義但違天台故不出自語
只不定報化似以為自義若推義意可同導師之玄
義也處今釋多以導師解為指南故難云尤依自宗
可判應身何依他師故略記云西方教主是一應化
已又下徃生階位文云問設非報土感業重者豈得
淨土上知判非報答今集非必唯依自宗廣依經論普
引諸師用叶意義但至略記者依九條右蒸相請釋
天台義記故從本宗作應化釋未必自義次設非報
土之釋設字思之豈非一徃縱許之言意云自義存
報縱任他解雖許化土感業重者豈得生耶也例如

下階位文云上品之人階位設深而自存凡夫義又
御廟大師依悲華經釋極樂國報土之義九品義問既
判迦才為善何據唯報答雖存唯報為動勿勞專稱
而取不須圖度稱善釋也一義云今依通報化之義
也文理顯上知依迦才凡彼釋意判土體時定通報
化勸行者時云不須圖度也今此釋善矣之言廣應
歎引文首尾倚局不須圖度一言耶相好道樹不同
尤叶通報化義尋云許通報化凡夫往生可通兩土
答余也有云多生化土少生報土群疑論中亦有此
意云問報問云此一段專似踈略凡夫往生願源由

同居淨土若兼有報土之義者勸進徒設四十八願
之莊嚴十六王子之成道三種淨業九品往生皆約
凡夫以為正義散心念佛事相諸行豈是報土修因
哉須明判此義專斥他師釋何涉報佛之兩義得設
猶預之一決乎上此難如何答有人會云疑難意天
台應身他師化土於此等義無其疑難欵凡夫可往
生故疑難是報身報土之義也其義即是綽禪師義
也彼報身報土者異天台所立之報土呼淨土云報
土故以天台義思之者以同居淨土云報土欵若余
依云報土我等不可絕往生望非天台所立之報土

斷無明證中道者所居故云云今云不然甚違緯公導
師宗義若云以天台所立同居淨土判報土者何故
玄義或云初地以上居報土或云報法高妙小聖難
階等又感師云云何地前菩薩二乘異生何國土判
高妙小聖云難階也此會通猶不出聖道自力之情
問若余疑問何會答既通化土何一向絕凡夫之望
又雖報土乘佛願力可得往生如玄義云問曰既言
報者報法高妙小聖難階垢障凡夫云何得入答曰
若論衆生垢障實難欣趣正由託佛願以作強緣致
使五乘齋入已委釋此文問即有二意一明土体高

妙報法高妙文是也謂十八圓成之報土如幻無漏
之方軌更異化身淨土之相二難能生機劣小聖難
階等文是也謂初地已上斷無明菩薩得入全非二
乘凡夫等境界感師云云何地前菩薩生古今聖道
自力難勢
全不答亦有二意一明順問難以自力難入若論衆
生等文是也謂五住煩惱未斷豈得入勝過三界報
土二釋以他力齋入託佛願等文是也謂六八願力
強五乘悉得生淨土他力會通
之文指掌無疑此釋盡理何泥聖道
自力之局情疑淨土他力之佛願又辟疑論第一具
釋之可見之難云夫實報土者教主不論身量國土

不指方域而佛云六十万億等土云過十萬億等非同居之淨土何答諸論多云自受用土周遍法界他受用土方所分限佛身亦尔故佛地論云實受用土周遍法界無處不有乃至若隨菩薩所宜現者或在色界淨居天上或西方等處所不定也又云他受用謂諸如來為令地上諸菩薩衆受大法樂進修勝行隨宜而現或勝或劣或大或小改轉不定如變化土如是淨土以有邊故地上菩薩及諸如來皆測其量但就地前論亦同之不能測於他受用其量難測者論既會云但就地前既國土云皆測其量佛身云

或大或小如何一向定判無量是以養神集云中川實軌

問禪輸新十疑云新古華嚴說臺上世界或說十三

重世界或說二十重世界從初重至第二重有不可說不可說世界海從第二重至第三重亦復如是既是周遍法界之体弥隨身量雖云若干恒沙不可及臺上報佛云此難何通耶答華嚴世畛之量不可忽驚多重之說周圓無際其量難測分量圓滿本所存也其土雖云尔其身何所違經說佛身恒沙由旬此不足其上幾許乎若不知其幾許如何測其不足夫恒沙由旬者令機根生領解之言也彼身實是無邊

也難測也故同經下文云如先所說無量壽佛身量
無邊非是凡夫心力所及既云凡心不及寧非報身
乎何況世界雖遍法界而不身有大小故探玄記第
三云蓮華臺藏世界雖遍法界對地上菩薩機現有
增減云是故報土雖遍法界而漸有大小報身雖亦
無邊皆稱所居勿迷周遍法界之說不願現有增減
之理矣次極樂說報佛報土經論非一謂同性俱締
羅等經佛地無性等論也此等經論非但泛說報土
之相正舉彌陀說報佛身指極樂園判受用土名言
分明何殘疑乎遍尋諸經論等實無以極樂說化土

之文也問授記經如來入滅之文觀經等凡夫往生
之說正說化身化土之文何云無之答他受用許機
前入滅何忽警之心地觀經寶性論等文其證也以
是道綽禪師屬隱沒休息之相光明大師釋其義無
妨又二乘凡夫往生者大師判說佛願感師述依說
願經說入滅不云化身明凡夫生不說化土釋化土
之義只是義立全無其名言也問以同性經證實報
土其義猶不明說淨土中成佛悉是報身不立化淨
土故以同居淨土之分名報土何答經文正雖不立
化淨土釋之八師報外別立化淨土謂迦才淨土許

可有化身撲揚釋為對受用化稱為穢雖有異釋全
不釋以報土言可屬化土問彼佛相好不同等者觀
察門中或說三十二相第八觀般舟經或說八萬四千第九觀文
問此不同也異解不同等者舉二師釋初義寂一義
元曉等釋也決極樂義有師云胎生中品等者義寂
憬興等也有師云九品所不攝者曇鸞元曉也有師
云此土日夜等有云龍興師等也大師義亦亦也
但今師不見第四卷如上述不以彼佛指量等者問
佛指為量有何失耶如云彼相好光一尋寫師釋佛
舒臂答未說佛指以成由旬故不可以佛指量身若

用佛指何恧六十万億是故不同往生論文天上七
日等者問餘說多依天上日夜說天壽等可例淨土
劫數還依淨土日夜說之何今依一經說成其例乎
答用不依事何簡一多彼尊勝說為今用故舉彼例
今法護所譯經者開皇錄云無量壽經二卷如來滅
後一千二百五十七年西晉月支國沙門曇摩羅密
晉言法護懷帝世永嘉二年戊辰第六出此雙卷經
有十二代翻譯法護第六出之樂邦文類宗曉云法
護譯缺本天台憬興指此大經云法護譯而顯要記
云源清作天台疏末書無量壽經兩卷中列四十八願曹魏康

僧鎧譯即今又言法護譯也蓋是隋朝錄悞比今師
今云法護所譯且依天台等下云康僧鎧譯即依正
譯左右語者未必綺譯者也有云此二譯文多分同
欵於是問五百歲等者問指彼城中即可云於是等
如何答是問若城中者重語何要明城中時舉是問
歲故興師等既釋此方歲決修善勝劣方便後心圓
滿者若別教意十廻向終若圓教意十信後心或此
經等者問此二義中何為正義答傍正難知但後義
順經現文也決彼感報衣食等者得生之人所受用
物既云報故或供具如意願香華等是佛供養具也

報者不得供具之報耳違本願者衣服隨念願或供
具如意願問違佛願文可會之耶答引玄一師等釋
即其意也因法師者玄一大經疏所引師也決里教
有經云百千俱胝等者依云稱讚淨土經也世俗言
者黃帝築法欵決佛化邊其穢土未知等者問論嚴
不嚴既以極樂而為嚴淨鼓音聲經所說清泰即應
為穢何云未知答彼經國土諸師異義不同道綽懷
感一義穢土慈恩釋報淨土元曉宗曉述化淨土故
且云未知也一一塵中無量土者彼經意說事圓
顯寬狹迷情云廣劫修行者問頓悟教說何云廣劫

卷下
四十一
答華嚴有普賢行布二門行布門邊云云許多劫行云云天台宗意彼經即兼別圓兩教云云有云頓悟者約今度出世也

往生要集卷下義記第七



